

KANTONALNA
PRIVREDNA
KOMORA TUZLA

BROJ 8-10/23,
avgust - oktobar
2023. godine



KOMORSKI INFORMATOR



CENTRALNO GRIJANJE d.d. Tuzla
40 GODINA SDG GRADA TUZLA



21-22. SEPTEMBAR 2023.

5. MEĐUNARODNI STRUČNI SKUP O SISTEMIMA DALJINSKOG GRIJANJA TUZLA 2023.



GRAD
TUZLA

GENERALNI SPONZORI



NLB Banka



UniCredit Bank

PRIJATELJI STRUČNOG SKUPA



PARTNER



PROGRAMI PODRŠKE
RAZVOJU PRIVREDE



REALNE PRETPOSTAVKE ZA
KVALITETNIJU SARADNJU



SEMINAR ZA PODUZETNIKE
IZ OBLASTI DIGITALNE
TRANSFORMACIJE



ODRŽAN 50. SAJAM
"AMBIENTA"



Komorski informator Uvod

Poštovani čitaoci!



U okviru dugogodišnjih aktivnosti na predavljanju i promociji privrede Tuzlanskog kantona a uz sufinansiranje Vlade Tuzlanskog kantona, nastavljeni su nastupi na sajamskim manifestacijama. Nakon pauze zbog godišnjih odmora, tradicionalno je prva sajamska aktivnosti u Gradačcu a onda se niz nastavlja sajmovima u Modriči, Gračanici, Tešnju.

Bili smo prisutni i na 50. jubilarom sajmu namještaja Ambiena u Zagrebu a zahvaljujući izuzeto dobroj saradnji sa Zagrebačkim velesajmom. Do kraja godine nas očekuju još sajam namještaja u Beogradu, sajam privrede u Sarajevu i za kraj, po prvi put nastup na sajmu Etno hrane i pića u Beogradu, i to zahvaljujući izgrađenim odnosima sa menadžmentima sajma Skenderija i Beogradskog sajma.

Pored sajamskih aktivnosti, vrlo živo je bilo i u salama za sastanke Kantonalne privredne komore Tuzla.

Ugostili smo i Aleša Ottmára ekonomskog savjetnika Ambasade Češke Republike u BiH. Razgovaralo se o realnim pretpostavkama za kvalitetniju saradnju.

Bili smo prisutni i na sastanku vezanom za unaprjeđenje privredne saradnje Tuzlanskog i Bosansko – podrinskog kantona.

Kantonalna privredna komora Tuzla je u saradnji sa ICC Tuzla (International Creativity Company) i Elite Academy Balkans Beograd, upriličila seminar „Evropski recept za razvoj vaše kompanije“ BDPE Business Development Program – EU models.

Ministarstvo privrede Tuzlanskog kantona u saradnji sa Kantonalnom privrednom komorom organizovalo je u Komori besplatni seminar iz oblasti digitalne transformacije za poduzetnike i obrtnike s ciljem jačanja njihovih internih upravljačkih kapaciteta.

Uz sve pomenute, Komorski informator za period od avgusta do oktobra, donosi i informacije vezane za Vladu TK te za aktivnosti i rezultate firmi članica Kantonalne privredne komore Tuzla...

Dino Kalesić
gl. i odg. urednik



Komorski informator Sadržaj

KANTONALNA
PRIVREDNA
KOMORA TUZLA

KOMORSKI INFORMATOR
BROJ 8-10/23,
avgust - oktobar
2023. godine

IZDAVAČKI SAVJET:

1. Nedret Kikanović, član
2. Elvir Salihović, član
3. Izet Džananović, član
4. Suad Selimović, član
5. Edina Kurtić, član

REDAKCIJSKI KOLEGIJ:

1. Nedret Kikanović, član
2. Almir Mešić, član
3. Edina Kurtić, član
4. Suad Selimović, član

IZDAVAČ:

Kantonalna privredna
komora Tuzla

GL. I ODGOVORNI UREDNIK:

Dino Kalesić

TEHNIČKA PRIPREMA, REPRO I ŠTAMPA:

GRIN d.o.o. Gračanica

ZA ŠTAMPARIJU:

Mirnes Salihović, direktor

TIRAŽ:

500 primjeraka.

ADRESA:

Trg slobode bb
e-mail: kpktz.ba@bih.net.ba
<http://www.kpktz.ba>

	Programi podrške razvoju privrede	4 i 5
	Realne pretpostavke za kvalitetniju saradnju	6
	Sastanak premijera Halilagića i Čulova	7
	„Najvažniji kapital u svakoj kompaniji su ljudi“	8
	Seminar iz oblasti digitalne transformacije	9
	5. Međunarodni stručni skup o SDG Tuzla 2023	10
	NLB Banka na SECW	11
	Predstavljanje „Privrede TK“ na sajmovima	12 i 13
	Održan 50. sajam „Ambienta“	14
	Najava sajamskih manifestacija	15
	Sajmovi u Banovićima i Živicama	16
	Lukavac Cement: Dan otvorenih vrata 2023.	17
	Grin izvozi papirne ambalaže u EU	18
	“Golden tours”: Saradnja škola iz Gračanice i Alanje	18
	ZADA Pharmaceuticals povećala prodaju 71%	18
	4,7 miliona KM za podršku privrednicima i obrtnicima	19
	Panel diskusija o alternativnim gorivima	19



Prezentacija u Komori...

Programi podrške razvoju privrede

Privredna/Gospodarska komora Federacije BiH u saradnji sa Kantonalnom privrednom komorom Tuzla organizovala prezentaciju: Promocija programa podrške federalnih ministarstava privredi Federacije BiH u Tuzlanskom kantonu



Kantonalna privredna komora Tuzla bila je domaćin prezentacije programa podrške federalnih ministarstava razvoju privrede u 2023. godini. Riječ je o prezentaciji koja ima za cilj informisati privredna društva o programima za podršku razvoja privrede Federalnog ministarstva energije, rudarstva i industrije, Federalnog ministarstva poljoprivrede, vodoprivrede i šumarstva, Federalnog ministarstva razvoja, poduzetništva i obrta, Union banke d.d. Sarajevo i Razvojne banke Federacije BiH. Bila je ovo jedna u nizu planiranih prezentacija koje organizuje Privredna/Gospodarska komora Federacije Bosne i Hercegovine zajedno s ministarstvima u Vladi Federacije BiH i pojedinim kantonalnim ministarstvima. **“Mi redovno u svim kantonima radimo ovakve info - sesije ili prezentacije. Cilj je da informacije o programima i svemu onome što Vlada Federacije putem svojih ministarstava plasira prema privrednicima, dođe do onih kojima to treba, dakle sve ono što je planirano u 2023. godini a tiče se podrške privrednicima, koja je ove godine značajna. Pripremljeni su dobri, kvalitetni programi koji su prezentirani privrednicima a da je to dobar potez, da je u pitanju dobra praksa i dobra aktivnost koju poduzimamo, dokaz je veliki broj privrednika u sali Kantonalne privredne komore Tuzla. Često, nažalost, na terenu dođemo do informacija da privrednici nisu informisani, te da zbog toga ne apliciraju na određene javne pozive i ostaju uskraćeni za takva sredstva. Zato očekujemo da nakon ovakvih prezentacija koje prate konstruktivne diskusije, dođe do sinergije, odnosno povezivanja”** - izjavio je Almin Mališević direktor Sektora za industriju i usluge u Privrednoj/Gospodarskoj komori Federacije BiH.

Kako je istakao Nedret Kikanović, nakon ovakve prezentacije, ne možemo reći da nismo informisani, da nismo upoznali privrednike sa ovakvim projektima. **“Sigurno je da se na ovakav način, dakle zajedničkim aktivnostima sa predstavnicima resornih federalnih i kantonalnih ministarstava, učešćem Federalne i kantonalnih privrednih komora, daje doprinos kontinuitetu razvoja privrede u Federaciji BiH pa tako i na području Tuzlanskog kantona. Našim privrednicima, predstavnicima firmi članica Komore,**

predstavljani su aktuelni programi podrške sa federalnog nivoa, prezentirane su usluge i programi Razvojne banka FBiH. Sve to s ciljem povećanja konkurentnosti, izvoza, zapošljavanja i proizvodnje na području Federacije BiH, dakle, i na području Tuzlanskog kantona. Riječ je o jednoj kompletnoj ponudi pripremljenoj za naše privrednike koji planiraju aplicirati za određena sredstva do kraja godine”, - rekao je predsjednik Kikanović.



Mirsad Hubanić sekretar Udruženja za šumarstvo i drvenu industriju Privredne/Gospodarske komore Federacije Bosne i Hercegovine, prezentovao je na skupu u Komori određene podatke vezane za iznose podsticaja u ruralnom razvoju, kapitalnim investicijama, ostalim podrškama. **“Važno je znati da je ove godine iznos podsticaja veći i do 50% u odnosu na prošlu godinu. Prije svega, poljoprivredna proizvodnja, animalna i biljna proizvodnja imaju do 25% povećanje**



podsticaja. Kapitalne investicije, ruralni razvoj sa fokusom na prehrambenoj industriji, u kojoj će izgradnju svih prehrambenih kapaciteta Ministarstvo poljoprivrede podržati, idu i do 50% što uopšte ne predstavlja mali iznos. Ove godine, kao zaključak prezentacije u Komori u Tuzli, predlaže se produženje roka za apliciranje pa će se uputiti dopis resornom Ministarstvu da se za bar 15 dana produži rok kako bi klijenti, naši privrednici, mogli pripremiti svu dokumentaciju. Znamo da ima malo vremena ali treba biti agiln, treba iskoristiti ovu šansu, aplicirati jer ove godine je riječ o 164 miliona KM što je za oko 55% više u odnosu na prošlu godinu”, istakao je sekretar Hubanić.

Predstavnici Ministarstva energije, rudarstva i industrije FBiH prezentirali su u Komori nekoliko programa podrške, uz konstataciju da su privrednici sa područja Tuzlanskog kantona u prethodnom periodu povlačili manje sredstava od očekivanog i znatno manje u odnosu na ostale kantone. **“Već niz godina imamo stalne projekte i programe. Po potrebi**



uvodimo i dodatne programe kao što je bilo u periodu pandemije. S tim uvezi i organizujemo ovakve prezentacije da informiramo ljude o našim programima. Jedan od tih programa ide preko komercijalne banke je trajni revolving fond sa kamatom 0,4%, sa grejs periodom od godinu dana, moguće je u jednom iznosu dobiti 900.000 KM koje je moguće otplatiti u 60 obroka. Tu su i drugi programi, kao što su oni za uvezivanje radnog staža i slični, namijenjeni našoj privredi, namijenjeni olakšavanju poslovanja privrednicima na području Federacije BiH pa tako i na području Tuzlanskog kantona. Naravno, namijenjeni svim kompanijama i firmama, svi mogu da se prijave, prvenstveno iz sektora vezanih za energiju, rudarstvo i industriju i naravno, svi oni koji uredno izmiruju svoje obaveze. Smatramo da je ovo dobar način komunikacije sa privredom, da smo obezbijedili dobre i kvalitetne programe i projekte koji će donijeti dobro našoj privredi”, izjavio je Stipo Buljan tajnik u Ministarstvu za energiju, rudarstvo i industriju FBiH.

Predstavnici GiZ-a u Komori

„Za Tuzlanski kanton turizam je jedna od vizija razvoja i privredna grana kojoj pristupamo studiozno i planski, za razliku od svih dosadašnjih aktivnosti“



Nedret Kikanović predsjednik Kantonalne privredne komore Tuzla sa najbližim saradnicima, održao je sastanak sa predstavnicima GiZ ureda Sarajevo (Deutsche Gesellschaft für Internationale Zusammenarbeit).

Na sastanku je Roman Gorowoj voditelj TVET komponente u okviru Programa “Održivi ekonomski razvoj i unapređenje zapošljavanja u Bosni i Hercegovini” predstavio domaćinima ovaj Program. Razgovarano je o budućim pravcima i potencijalnim aktivnostima koje će se realizovati u okviru projekta s ciljem unapređenja srednjeg stručnog obrazovanja za potrebe privrede. Nedret Kikanović predsjednik Kantonalne privredne komore je predstavio i rezultate ankete koja je provedena među privrednicima a vezano za njihovu spremnost za učešće u dualnom obrazovanju. Edina Kurtić rukovodilac Sektora privrede prezentovala je organizaciju i djelovanje Kantonalne privredne komore Tuzla sa fokusom na aktivnosti iz oblasti stručnog obrazovanja. Na sastanku u Komori se dogovaralo i o potencijalnoj saradnji i po drugim projektima u narednom periodu a pored pomenutih predstavnika Komore i GiZ-a prisutvovali su još i Sanja Lulo savjetnik GiZ za projekat “Održivi ekonomski razvoj i unapređenje zapošljavanja u Bosni i Hercegovini” i Almir Mešić rukovodilac Sektora za ekonomske i opće poslove.

D.K.



Ekonomski savjetnik Ambasade Češke u Komori...

Realne pretpostavke za kvalitetniju saradnju

Naći mogućnosti što većeg iskorištenja resursa kojima ovaj kanton raspolaže, a sve u cilju razvoja, unaprjeđenje odnosa dvije države



U okviru prve posjeta Aleša Ottmára ekonomskog savjetnika Ambasade Češke Republike u BiH Tuzlanskom kantonu, upriličena je i posjeta Kantonalnoj privrednoj komori Tuzla. Uvaženog gosta iz Češke primio je u prvu posjetu predsjednik Komore Nedret Kikanović sa najbližim saradnicima. Bila je ovo prilika da se uvaženom gostu približe pojedinosti vezane za privrednu strukturu Tuzlanskog kantona, da se predoče ključni privredni sektori, privredni potencijali. Razgovaralo se i o vanjskotrgovinskoj saradnji sa Češkom republikom.

“Veliko nam je zadovoljstvo primiti u posjetu Komori Aleša Ottmára ekonomskog savjetnika ambasade češke republike u BiH Tuzlanskom kantonu. Prezentovali smo uvaženom gostu privredu, privredna kretanja na području Tuzlanskog kantona, otvorili smo i teme o mogućnostima saradnje u narednom periodu. Razgovarali smo o tome kako unaprijediti saradnju i podići je na viši nivo u odnosu na prethodni period a sigurni smo da za to postoji realan prostor. Nadamo se da u skoroj budućnosti možemo promijeniti odnose i saradnju na bolje, da možemo ponuditi neke vidove saradnje, posebno u oblasti energetskog sektora i rudarstva, ali i drugim oblastima poput prehrambene industrije, zdravstva, ekološkim aspektima, gdje bi privrednici sa područja Tuzlanskog kantona, mogli koristeći češke tehnologije i znanja unaprijediti svoje proizvodnje. Bila je ovo izvanredna prilika za uspostavljanje novih kontakata, razmjenu iskustava i neophodnih informacija za temelje kvalitetnijoj saradnji u narednom periodu”, izjavio je Nedret Kikanović predsjednik Kantonalne privredne komore Tuzla. Zadovoljstvo posjetom Tuzli, Tuzlanskom kantonu i Kantonalnoj privrednoj komori Tuzla, nije krio ni gost iz Češke: **“Sretan sam što mi se ukazala prilika da posjetim Tuzlanski kanton i Kantonalnu privrednu komoru Tuzla koja predstavlja privredu ovog kantona. Poznato mi je da je Tuzlanski kanton sa aspekta privrede i turizma jedan od najvažnijih kantona u Federaciji BiH. Naša želja i namjera je da nađemo mogućnosti što većeg iskorištenja resursa kojima ovaj kanton raspolaže, a sve u cilju razvoja, unaprjeđenje odnosa dvije države. Informacije koje smo dobili u Kantonalnoj privrednoj komori Tuzla su nam veoma korisne i iz njih smo mogli zaključiti da postoje mogućnosti za saradnju u brojnim privrednim sektorima, u industriji, u svemu što može doprinijeti kvalitetnijoj saradnji, prosperitetu naših građana, razvoju naših zemalja i regiona generalno. Idealna prilika za jačanje odnosa, uspostavljanje kvalitetnije saradnje, može biti energetski formu koji će biti održan u Sarajevu ove godine a uz učešće brojnih privrednih subjekata iz Češke Republike, posebno kada imamo u vidu brojne karakteristike koje su zajedničke za obje zemlje, koje čine veoma sličnu strukturu industrije, blizak jezik, dobre odnose dvije zemlje”,** rekao je Aleš Ottmár ekonomski savjetnik Ambasade Češke Republike u BiH.

Prilikom sastanka u komori Tuzla bilo je govora i o inicijativi za regije uglja u tranziciji na Zapadnom Balkanu i u Ukrajini, a na temu čega je u Živinicama krajem prošle godine organizovan zajednički sastanak predstavnika (gradonačelnika/načelnika) gradova/općina Banovići, Lukavac i Živinice, predstavnika sindikata rudnika Banovići, te predstavnika Tuzlanskog kantona sa delegacijom iz Češke Republike, iz regije uglja Ústí. Riječ je o delegaciji koja učestvuje u programu razmjene sa tuzlanskom regijom a koja je boravila u posjeti regiji Tuzla s ciljem razmjene znanja, dobrih praksi i podrške stručnjaka iz struke. Kao zanimljivi projekti, smjernice kvalitetne saradnje u narednom periodu istaknuto je nekoliko stavki. kako je pomenuto na sastanku postoji realna mogućnost, a uz svesrdnu pomoć Ekonomskog odjela Ambasade Češke Republike u BiH, apliciranja na određene projekte, saradnje po zanimljivim projektima. Tu se prije svega misli na inicijative za organizovanje B2B susreta privrednika sa područja TK i određenih regija Češke republike, posjete ili nastupe na sajamskim manifestacijama u Češkoj a što se također može iskoristiti za organizovane susrete privrednika. Dalje, veoma zanimljivim su se pokazali projekti “Tuzla - rijeka Sava” koji je bio aktuelan još 2010. godine, potom ulaganje u razvoj željeznice na području Tuzlanskog kantona koja prevozi najviše tereta u BiH a ujedno ima i najbolju infrastrukturu. Naravno, kako je istakao gospodin Aleš, potrebno je za oba projekta pregledati dokumentaciju, uraditi odgovarajuće studije i onda pristupiti realizaciji. Zajednički je zaključak da Komora može aplicirati na projekte u vrijednosti do 20 hiljada eura a koji podržavaju studijske posjete, jačanje saradnje, razmjene znanja, mišljenja, iskustava. Posebno ako je riječ o transprofamciji rudnika gdje Komora može biti partner i posrednik u vođenju aktivnosti na akademskom nivou a imajući u vidu sporazume i dobru saradnju sa Univerzitetom u Tuzli da jaku vezu sa rudnicima na području Tuzlanskog kantona, rečeno je između ostalog na sastanku Aleša Ottmára ekonomskog savjetnika Ambasade Češke Republike u BiH i Nedreta Kikanovića predsjednika Kantonalne privredne komore Tuzla.

D.K.



Saradnja dva kantona...

Sastanak premijera Halilagića i Čulova

Intenziviranje saradnje Tuzlanskog i Bosansko – podrinskog kantona



Unaprjeđenje privredne saradnje Tuzlanskog i Bosansko – podrinskog kantona bilo je u fokusu razgovora premijera ova dva kantona Irfana Halilagića i Edina Čulova, a kojem su prisustvovali i predsjednici kantonalnih privrednih komora Nedret Kikanović i Dževad Terović. Osim privredne saradnje bilo je govora i o saradnji kantona i u drugim oblastima, prije svega putnog povezivanja i izgradnji putne infrastrukture, ali i sinergijskog političkog djelovanja kantona u cilju donošenja reformskih zakona. Premijeri su se pohvalno izjasnili u pogledu intenziteta i kvalitete saradnje koju imaju privredne komore, te je zaključeno da ta saradnja može biti osnov za unaprjeđenje saradnje na političkom nivou.



„Zadužili smo predsjednike privrednih komora da nam, u skladu sa podacima kojima raspolažu komore, pripreme određene materijale na osnovu kojih ćemo institucionalizirati našu saradnju u oblasti privrede i turizma, ali i određenu vrstu zajedničkog nastupa kantona prema višim nivoima vlasti“, kazao je premijer Halilagić i zahvalio se premijeru Čulovu na posjeti i pokazanoj inicijativi

za intenziviranje saradnje. Premijer je pohvalio dosadašnji rad Vlade Tuzlanskog kantona predvođene premijerom Halilagićem, ističući proaktivnost i energičnost kao dvije osobine koje karakterišu njen rad. **„Premijer Halilagić i ja se slažemo u većini slažemo u stajalištima naspram problema koji opterećuju oba kantona, a pokušat ćemo i zajednički početi raditi na njihovom rješavanju. Nažalost kantonalnim nivoi su jako zauzeti određenim administrativnim postupcima i ne ostaje nam dovoljno vremena da se bavimo intenziviranjem i usklađivanjem naših stavova. Inicirali smo intenziviranje te saradnje koja treba da poluči rezultate i benefite direktno za građane i privredu oba kantona“,** kazao je premijer Čulum.

Oba premijera su izrazili nezadovoljstvo dinamikom realizacije projekata koji se odnose na izgradnju putne infrastrukture, a koji se tiču povezivanja ovih kantona sa Sarajevom, kao glavnim gradom, prije svega.

„Tunel Hranjen je započet sa izgradnjom 2018. godine, danas je 2023. godina, obećanja sa federalnog nivoa ima, ali nema konkretnih aktivnosti. Ljudi su nezadovoljni, privreda trpi...“ kazao je premijer Čulum.

„Putna infrastruktura je naš ključni problem koji muči i nas kao, po mnogim aspektima najveći kanton i BPK, koji je po nekim aspektima najmanji. Vjerujemo da ćemo nakon ovog našeg sastanka intenzivirati saradnju i da će nam se i neki drugi kantoni pridružiti u ovim zdravim inicijativama. Ovo je naša potreba i jasno je da se naspram tih objektivnih potreba Federacija ingnorantski odnosi prema ovim, ali vjerovatno i nekim drugim kantonima“, zaključio je premijer Halilagić.

Odjeljenje za informisanje
Vlade Tuzlanskog kantona



Seminar u Komori...

„Najvažniji kapital u svakoj kompaniji su ljudi“

„Evropski recept za razvoj vaše kompanije“



Kantonalna privredna komora Tuzla je u saradnji sa ICC Tuzla (International Creativity Company) i Elite Academy Balkans Beograd, upriličila seminar „Evropski recept za razvoj vaše kompanije“ BDPE Business Development Program – EU models. Seminar je tretirao pitanje pripreme kompanije za izazove koje ih očekuju u budućnosti, a najprije za pristup otvorenom tržištu EU. Predstavljeni su najvažniji segmenti u pripremi kompanija za evropski put, a naglašena je važnost odabira saradnika i formiranja timova te njihovog motiviranja radi postizanja maksimalnih rezultata. Teme prezentirane na seminaru u Komori su privukle veliki broj vlasnika i direktora kompanija, te voditelja sektora za ljudske resurse u privrednim subjektima sa područja Tuzlanskog kantona.

„Velika je ovo i značajna manifestacija za cjelokupnu privredu Tuzle i Tuzlanskog kantona. Uvijek su dobrodošle edukacije posebno kada je riječ o novim tehnikama upravljanja preduzećima, o prezentaciji n ovih izazova koji čekaju sve kompanije u 21. vijeku. Kako doći do ljudskih resursa, kako upravljati ljudskim resursima, kakousvojiti nove modele poslovanja, kako implementirati savremene načine poslovanja koji upotrebljavaju informacione i komunikacione tehnologije, kako se boriti protiv rastućeg cyber kriminala su teme na koje su odgovori vrlo značajni. Daju novu viziju, nove aspekte koje će moći implementirati u poslovanju kako bi poslovanje digli na viši nivo i kako bi bili konkurentniji, produktivniji, uspješniji na svim tržištima na kojima posluju“, rekao je Zijad Lugavić gradonačelnik Tuzle.

O značaju seminara govorio je i Nedret Kikanović predsjednik Kantonalne privredne komore Tuzla: „Zadovoljstvo nam je da u realizaciji kvalitetnog seminara sa vrlo značajnim temama, za partnere imamo ICC Tuzla i Elite Academy Balkans Beograd. Ono što privrednicima donosi ovaj seminar je veoma bitno za razvoj kompanija u smislu menadžmenta, ljudskih resursa i marketinga. Vrlo je značajno da sa ovog seminara učesnici ponese saznanja o tome kako shvatiti značaj nastupa na evropskom tržištu, značaj kvalitetnog organizovanja za konkurentnost na evropskom tržištu. Ovo je početak saradnje i namjera nam je da i u narednom periodu našim kompanijama

D.K.



Ministarstvo za privredu i Komora...

Seminar za poduzetnike iz oblasti digitalne transformacije

Vid nefinansijskog podržavanja poslovnog ambijenta, odnosno, malih i srednjih preduzeća na području Tuzlanskog kantona



Ministarstvo privrede Tuzlanskog kantona u saradnji sa Kantonalnom privrednom komorom organizovalo je besplatni seminar iz oblasti digitalne transformacije za poduzetnike i obrtnike s ciljem jačanja njihovih internih upravljačkih kapaciteta. Seminar je bio namijenjen vlasnicima, izvršnim direktorima i menadžmentu kompanija, te voditeljima projekata, IT profesionalcima i članovima projektnih timova zaduženih za planiranje i provođenje digitalne transformacije organizacija.

Seminar u Kantonalnoj privrednoj komori Tuzla je bio prilika da učesnici kroz primjere iz prakse dobiju odgovore šta predstavlja digitalna transformacija te u kakvom je odnosu sa poslovnom agilnošću kompanije, koje su ključne tehnologije digitalne transformacije, šta predstavlja i zbog čega je važno primijeniti agilni pristup u digitalnoj transformaciji te koji su ključni koraci za uspješnu digitalnu transformaciju.

„Veliko je interesovanje za ovakve seminare. Svi privrednici žele unaprijediti svoje poslovanje i uvesti jedan vid automatizacije ili robotike. Ovo je jedan od vidova nefinansijskog podržavanja poslovnog ambijenta, odnosno, malih i srednjih preduzeća na području Tuzlanskog kantona. Pored toga Ministarstvo niz godina unazad, i ove godine će, pruža podršku malim i srednjim preduzećima kroz javne pozive za finansijsku podršku, sa pozicije Podrška razvoja Tuzlanskog kantona. Ove godine, iznos planiran za ove namjene je 6.700.000 KM“, izjavio je Edin Nišić sekretar u Ministarstvu za privredu Tuzlanskog kantona.



Predavač na seminaru bio je Nedžad Junuzović konsultant za agilnu i digitalnu transformaciju. Riječ je o predavaču sa bogatim iskustvom iz navedenih oblasti, koje se temelji na velikom broju uspješno realizovanih projekata iz oblasti digitalne transformacije stranih i domaćih kompanija.

„Pošto je i sam proces dobio novo ime, zove se Digitalna transformacija, znači da su se stvari u posljednjih dvadesetak godina značajno promijenile. Mi na ovakvim seminarima razgovaramo o tome, kako početi efikasno proces digitalne transformacije, kako proći kroz taj proces, kako odgovoriti na izazove koje danas donosi globalno tržište, ogromni tehnološki razvoj u posljednjih dvadesetak godina, izazove globalnog okruženja, tržišta, prilika“, rekao je Nedžad Junuzović konsultant za agilnu i digitalnu transformaciju, na seminaru održanom u Kantonalnoj privrednoj komori Tuzla.

Ministarstvo za privredu Tuzlanskog kantona će u saradnji sa Kantonalnom privrednom komorom Tuzla, pored ovog seminara, slične aktivnosti poduzimati do kraja godine, na teme Obnovljivi izvori energije i Certificiranje.

D.K.



Iz frime članice Komore...

Održan 5. Međunarodni stručni skup o sistemu daljinskog grijanja Tuzla 2023

Organizatori skupa Grad Tuzla i "Centralno grijanje" d.d.



-Nermína Babajić direktorica Centralnog grijanja d.d. Tuzla-

U Tuzli je održan 5. Međunarodni stručni skup o sistemu daljinskog grijanja Tuzla 2023. Organizatori skupa su bili Grad Tuzla i "Centralno grijanje" d.d. Tuzla. Grad Tuzla i kompanija "Centralno grijanje" d.d. Tuzla, sa višegodišnjim iskustvom i predanim radom, zajedno kreiraju inovativna rješenja koja će doprinijeti tome da grad Tuzla postane ekološki i pametan grad u skladu sa standardima Evropske unije. Fokus na zdravlju građana i općoj dobrobiti društva predstavlja zajedničku misiju Grada Tuzla i "Centralnog grijanja" d.d. Tuzla. Naš osnovni cilj je prilagođavanje navedenim promjenama kako bismo osigurali održivu budućnost za naše građane", istaknuto je na svečanom otvaranju.

Ovaj značajan međunarodni skup je okupio stručnjake iz različitih oblasti koji su zajedno razmotrili ključne aspekte održive energetike, ekološke inovacije i digitalne transformacije. Osim toga, ovaj događaj je bio prilika da se lokalni akteri, građani i NVO sektor aktivno uključe u kreiranje rješenja za budućnost grada.



Međunarodni stručni skup Tuzla 2023. je proslavio 40 godina postojanja kompanije "Centralno grijanje" d.d. Tuzla, što predstavlja značajno dostignuće u oblasti daljinskog grijanja i energetske efikasnosti.

"U oktobru 1983. godine u gradu Tuzli počela je prva energetska priča daljinskog grijanja, a ideju je pokrenuo Grad Tuzla i Termoelektrana Tuzla. Sistem daljinskog grijanja tada je narastao u najveći sistem daljinskog grijanja u Bosni i Hercegovini i jedan je od najvećih u jugoistočnoj Evropi na bazi kogeneracije. Na sistemu daljinskog grijanja sada je oko 27 hiljada korisnika, a u prosjeku svake imamo 140 novih priključaka što je evidentno od 2018. godine. Već je u završnoj fazi rekonstrukcija dijela magistralnog vrelovoda u Tuzli, revitalizacija će biti nastavljena i neće biti problema sa priključcima novih korisnika", istakla je na skupu Nermína Babajić direktorica Centralnog grijanja d.d. Tuzla.

Ivica Mihaljević direktor preduzeća HEP Toplinarstvo d.o.o. Osijek je na Skupu podijelo svoja iskustva vezana za razvoj daljinskog grijanja, a Nataša Perić predsjedavajuća Gradskog vijeća Tuzla je istakla da je zajednički cilj, što kvalitetniji život građana, što kvalitetniji sistem daljinskog grijanja. Istakala je nadu u širenje zona toplifikacije u narednom periodu.

Gostima Skupa iz Srbije, Hrvatske, Slovenije i Bosne i Hercegovine prezentiran je sistem daljinskog grijanja Tuzle putem kratkog filma, urađenog u koprodukciji "Centralno grijanje" d.d. Tuzla i RTV 7 d.o.o. Tuzla. 5. Međunarodni stručni skup o sistemu daljinskog grijanja Tuzla 2023, bio je prilika i da se najzaslužnijim radnicima "Centralno grijanje" d.d. Tuzla i partnerima uruče zahvalnice za doprinos razvoju sistema daljinskog grijanja grada Tuzla.

D.K.



Iz firme članice Komore...

NLB Banka na SECW

NLB Banka Sarajevo uz ključne aktere energetske tranzicije



U sarajevskoj Vijećnici održan je svečani prijem povodom održavanja prve Sarajevske energetske i klimatske sedmice (SECW) od 25. do 29. septembra. Ovaj međunarodni događaj održan je u organizaciji Privredne/Gospodarske komore FBiH uz podršku brojnih domaćih i međunarodnih institucija i partnera, među kojima je i NLB Banka Sarajevo, kao banka pionir održivog poslovanja u regionu. U okviru Sedmice upriličeni su paneli i prezentacije koji su adresirali sve izazove energetske tranzicije i prevazilaženja posljedica klimatskih promjena. **"Od 2020. obavezali smo se na principe Ujedinjenih nacija za odgovorno bankarstvo, i podrška organizaciji ovako značajnog događaja na visokom nivou znači potvrdu naše pozicije pionira održivog poslovanja u regionu i partnera ključnim akterima ovog procesa",** istakla je Lidija Žigić predsjednica Uprave NLB Banke Sarajevo u obraćanju na svečanom prijemu.

Inače, drugog i trećeg dana Sedmice održana je i Međunarodna konferencija "Put u novu energetske i klimatske budućnost regije". Lidija Žigić je učestvovala na panelu koji će bio posvećen diskusiji o finansiranju energetske tranzicije. U okviru Dana Emerika Bluma, član Uprave Banke, Denis Hasanić, održao je prezentaciju o ESG-u u bankarstvu, kako se bh kompanije mogu pripremiti za ESG poslovanje i kako im NLB Banka može biti pouzdan i iskusen partner u tom procesu.



"Pred bh privrednicima su velike promjene u skladu sa "zelenom agendom" i uspješnost poslovanja ne mjeri se samo profitom nego općim utjecajem na okoliš. Kao Grupacija koja je u decembru 2022.godine ocjenjena sa ESG rizikom 17 po Sustainability-u pozicionirani smo u niski ESG rizik, zbog čega vjerujemo da možemo podijeliti svoje iskustvo sa našim partnerima na Sarajevskoj energetske i klimatske sedmici", poručio je Hasanić. Ranije ove godine NLB Banka je organizirala prvu NLB ESG konferenciju s ciljem kontinuiranog podizanja svijesti, educiranja i razmjene znanja i iskustava u procesima uvođenja ESG standarda u poslovanje. Na izazovnom putu ka ekološkom i održivom razvoju, kroz podršku i učešće na stručnim konferencijama, Banka ima želju da nastavi trend osvješćavanja društva o ekologiji i ekološkoj budućnosti.

D.K.



Predstavljanje “Privrede TK” na sajmovima... “Privreda TK” u Gradačcu

Održan jubilarni, 50. međunarodni sajam poljoprivrede i prehrambene industrije



U okviru dugogodišnjih aktivnosti na predstavljanju i promociji privrede Tuzlanskog kantona a uz sufinansiranje Vlade Tuzlanskog kantona, nastavljeni su nastupi na sajamskim manifestacijama. Nakon pauze zbog godišnjih odmora, tradicionalno je prva sajamska aktivnosti u Gradačcu a onda se niz nastavlja sajmovima u Modriči, Gračanici, Tešnju. Kantonalna privredna komora Tuzla za svoje članice i sve firme koje žele biti dio komorskog sistema, predstavlja na, već godinama prepoznatljivom, zajedničkom izložbenom prostoru pod nazivom “Privrede TK”.

Tako je i bilo i u Gradačcu na 50. međunarodnom sajmu poljoprivrede i prehrambene industrije. Jubilarni 50. sajam šljive otvorio je Nermin Nikšić Premijer Federacije Bosne i Hercegovine. Svečanu vrpcu presjekli su Nermin Nikšić, premijer Federacije BiH, Kemal Hrnjić i Fedahija Ahmetović, ministri poljoprivrede, vodoprivrede i šumarstva FBiH i TK, Stjepan Mesić, bivši predsjednik Republike Hrvatske i Edis Dervišagić, gradonačelnik Gradačca. Gradačćki sajam je i ove godine bio prilika za prezentaciju dostignuća, oblasti poljoprivrede i prehrambene industrije. Upućen je iz Gradačca poziv za zajednički angažman svih nivoa vlasti, nauke, struke, poljoprivrednog i indstrijskog sektora, kako bi se obezbijedili potrebni uslovi za proizvodnju i plasman hrane.

Na ovogodišnjem Sajmu šljive u Gradačcu, kao podsajamska manifestacija, Udruženje pčelara “Pčela” Gradačac organizovalo je 6. međunarodni sajam pčelarstva. Izlagači su većinom bili sa područja BiH i iz Crne Gore. U sklopu sajma pčelarstva održane su i panel diskusije gdje se govorilo o aktuelnoj problematici u pčelarstvu Bosne i Hercegovine sa posebnim osvrtom na Varou desturktor i usklađivanju legislative Bosne i Hercegovine sa legislativom EU. I ove godine na međunarodnom sajmu poljoprivredne i prehrambene industrije razgovarano je o razvoju turizma. Održane su panel diskusije a na prvom panelu, drugog dana 50. jubilarnog Sajma šljive govorilo se o temi “Turistički proizvodi i ljudski resursi u Strategiji razvoja turizma TK”. Govorilo se u Gradačcu i o upotrebi novih tehnologija u praćenju i zaštiti poljoprivrednih kultura, upotrebi bioregulatora i savremenim kanalima snabdijevanja hranom. Osim novih softverskih rješenja, savremene tehnologije i upotrebe dronova značajno mjesto ima i poljoprivredna mehanizacija. I ove godine dodjeljene su medalje Sajma šljive za kvalitet izloženih proizvoda.

Na oko 5000 metara kvadratnih u četiri dana Sajma, predstavilo se više od 300 izlagača iz Bosne i Hercegovine, zemalja regiona, Francuske i Turske. Organizator ove jubilarne sajamske manifestacije bila je Turistička zajednica grada Gradačca.

“Privreda TK” u Modriči

Održan 12. Međunarodni sajam privrede Modriča 2023



Dvanaesti Međunarodni sajam privrede je u dva dana u JU Kulturno sportskom centru Modriča okupio više od 200 izlagača, iz oblasti privrede i poljoprivrede, iz Bosne i Hercegovine, Srbije, Hrvatske, Italije, Mađarske i Kine. Sajam je zvanično otvorio Jovica Radulović načelnik opštine Modriča te sa ambasadorom Ambasada Narodne Republike Kine Di Pingom presjekao svečanu vrpcu. I ove godine su, veoma uspješni organizatori sajma bili opština Modriča i Razvojna agencija opštine Modriča, u saradnji sa modričkim privrednicima, preduzetnicima i poljoprivrednim proizvođačima. Partner u organizaciji sajma bila je Ambasada Narodne Republike Kine, koju je predstavila Asocijacija kineskih preduzeća u BiH sa osam vodećih svjetskih kompanija iz oblasti energetike, građevinarstva, telekomunikacija i zdravstva. Modriča je i ove godine bila mjesto gdje se oživljavaju određene poslovne aktivnosti, promovise preduzetništvo i sklapaju poslovni ugovori. Prepoznata je mogućnost za razmjenu iskustava, obnovu kontakata sa poslovnim partnerima, upoznavanje novih partnera i zaključivanje ugovora, te prezentaciju proizvoda i usluga izlagača.

“Privreda TK” u Gračanici

Održan 12. Međunarodni sajam poduzetništva i obrta “Grapos Expo”

Sajam “Grapos Expo” je renomirana sajamska manifestacija koja promovise preduzetništvo i inovaciju u Gračanici, TK, BiH ali i regionu. Sajam tradicionalno okuplja domaće i međunarodne kompanije, pružajući platformu za razmjenu ideja i razvoj poslovnih veza. Tako je bilo i ove godine, na 12. Međunarodni sajam poduzetništva i obrta “Grapos Expo” Gračanica 2023. Svečanu vrpcu presjekli su Nermine Nikšić premijer Federacije BiH, Edin Duraković ministar privrede TK, Nusret Helić gradonačelnika Gračanice



i Mirsad Helić predsjednik Udruženja poslodavaca Gračanica. “Grapos Expo” je u Gračanici u okviru sajamskih aktivnosti ponudio i niz zanimljivih prezentacija i panel diskusija. Raspravljalo se o aktuelnim temama kao što su “Inovativni caffe,” “Dijaspora invest,” “Energetska tranzicija – lokalna perspektiva, dosadašnja iskustva i planovi,” “Megatrendovi digitalnog marketinga,” i mnoge druge. Koncept sajma je usmjeren isključivo na izložbene aktivnosti, sa posebnim naglaskom na proizvodnim kompanijama iz metalne industrije, industrije hemije i nemetala, drvne i građevinske industrije. Osim poslovne strane, Gračanica će biti domaćin bogatog kulturno-umjetničkog programa koji će uključivati koncerte, izložbe i predstave. Organizator ovogodišnjeg sajma GRAPOS EXPO

2023 bio je Grad Gračanica i Udruženje poslodavaca Gračanica. Sajam je održan novoj lokaciji koja obuhvata impresivnih 5.000 m² zatvorenog i 3.000 m² otvorenog izložbenog prostora. Predstavilo se više od 120 domaćih kompanija i privrednika iz zemlje i inostranstva.

“Privreda TK” u Tešnju

Održan 17. Međunarodni sajam privrede Tešanj 2023



dimenziju jednoj od najznačajnijih privrednih manifestacija u Bosni i Hercegovini. Mnogobrojni stručnjaci, gosti, iskusni menadžeri domaćih i svjetskih kompanija će dati svoj doprinos na centralnom panelu posvećenom temi obnovljivih izvora energije i energetske održivosti, ciljevima kojim naša zemlja treba težiti u budućnosti. Međunarodni sajam privrede u Tešnju zahvaljujući svom dugogodišnjem uspjehu izgradio je reputaciju stabilne i značajne platforme za povezivanje privrednog sektora, te je jednim dijelom i nosilac ekonomskog razvoja u Bosni i Hercegovini. Organizator Sajma je Udruženje privrednika “Biznis-centar” Jelah-Tešanj.

Kantonalna privredna komora Tuzla je kao organizator sajamske postavke pod nazivom „Privreda TK“ na zajedničkom izložbenom prostoru na sajmovima u Gradačcu, Modriči, Gračanici i Tešnju, predstavila 50 firmi, članica Kantonalne privredne komore Tuzla. To su: “Fana” Srebrenik, “Mlin Nezić” Gradačac, “Solana” Tuzla, “TQM” Lukavac, “Lović & Co” Lukavac, “Imel – Milo selo” Lukavac, “Eko život” Tuzla, “Guber” Tuzla, “Finra” Tuzla, Cips Tuzla, Hotel “Tehograd” Tuzla, Hotel “Vertigos” Tuzla, Borplastika Tuzla, Zeka komerc Gračanica, Tehna Gračanica, Wortmann Tinja, Tuzla Kvarc, Radius Gračanica, Corn flips Srebrenik, Cydonia Gračanica, Turistička agencija „Golden tours” Tuzla, Turistička agencija „Partner travel” doo Tuzla, Turistička agencija „In tour” Tuzla, Turistička agencija „Transturist” Tuzla, Turistička agencija “Guverner turist” doo Tuzla, “Piemonte” Tuzla, “Lerim” Lukavac, “Aronija Okanović” Tuzla, “Adriatic osiguranje” Tuzla, “Euroherz” osiguranje Tuzla, “Triglav osiguranje” Tuzla, “Pašnjak” Tuzla, “Nova Banka” Tuzla, “Annoa” Tuzla, “Azos” doo Tuzla, Mljekara “Smajić” Čelić, “MiBospo” Tuzla, “AgroLife” doo Mionica, “Bosfor” Živinice, “Porta Naturae” d.o.o. Srebrenik, JKP “Pannonica” d.o.o. Tuzla, UR “Etno Restoran Bardak” Đurđevik, Turistička organizacija Grada Tuzla, Grupacija pčelara TK, Grupacija gljivara TK, “Alpha smart energy” Tuzla, “Grin” Gračanica, “Old Story” Tuzla, “MamaMia” Tuzla.

Do kraja 2023. godine, zajedničku postavku pod nazivom “Privreda TK”, Kantonalna privredna komora Tuzla će organizovati na sajmovima namještaja u Zagrebu i Beogradu, na sajmu privrede u Sarajevu i sajmu Etno hrane i pića u okviru Beogradskog sajma.

Ripremio: Dino Kalesić



Jubilej sajma namještaja...

Održan 50. sajam "Ambienta"

Kantonalna privredna komora Tuzla na sajmu Ambienta u Zagrebu



Kantonalna privredna komora Tuzla i ove godine je predstavila Privredu TK na sajmu "Ambienta" u Zagrebu. Organizovano je, na zajedničkom izložbenom prostoru, predstavljanje firmi članica Komore iz Udruženja drvoprerađivačke industrije i proizvodnje namještaja. Još jedna pogodnost, usluga koju je Komora obezbijedila za svoje članice, još jedna aktivnost za koju se očekuje da će ponovo biti redovna i na sve višem nivou. Ujedno, povratak je to ranijem nivou i kvalitetu saradnje Kantonalne privredne komore Tuzla i Zagebačkog velesajma. Za očekivati je da će ta saradnja biti iz godine u godinu sve kvalitetnija i bolja a na zadovoljstvo firmi iz komorskog članstva. Kantonalna privredna komora Tuzla je za svoje članice ove godine obezbijedila izložbeni prostor, organizovala zajedničku postavku "Privreda TK" na kojoj su se predstavili: „Senex“ Čelić, „Lović&CO“ Lukavac, „Izazov“ Kalesija, „Renesansa“ Živinice, „OFF set“ Tuzla „Jeesa“ Živinice, „Kavgico“ Živinice, „Radius“ Gračanica, „Vertigos“ Tuzla, „Tuzla kvarc“, „Tehnogad company“, „Bosfor stil“ Živinice, „Yavuz Baucentar“ Živinice, „Artisan“ Tešanj, „Malak Janj“ Donji Vakuf. „Standard“ Prnjavor.

Na Zagrebačkom velesajmu su ove godine uz jubilarne 50. sajmi Ambienta, održani i sajmovi ArhiBau.hr, Art Zagreb, Hotel&Gastroteh i festival Zagreb Design Week.

“Ambienta danas ima rođendan – 50. po redu! Slavimo zajedno! Veliki jubilej međunarodnog sajma namještaja, unutarnjeg uređenja i prateće industrije i ove je godine nezaobilazna destinacija na kojoj su se okupili svi najbolji s područja proizvodnje namještaja, unutarnjeg uređenja i prateće industrije. Ambienta je u ovih 50 godina postala sinonim za sajam namještaja, sinonim za tradiciju, toplinu doma i nove početke. Do sada je iznjedrila mnoga poznata i renomirana imena tvrtki hrvatske i svjetske scene i radit će to i ubuduće, to je njezin zadatak i njena misija. Kroz godine se prometnula u pokret za hrvatsku drvenu industriju, pozicionirala se kao komunikacijska platforma za sve povezane industrije koje se bave aspektima stanovanja, opremanja i uređenja objekata, kao i posebne ponude za ugostiteljsko uslužnu djelatnost”, izjavila je Renata Suša direktorica Zagrebačkog velesajma.

Sajam je otvorila Lana Križaj pročelnica Gradskog zavoda za zaštitu spomenika kulture i prirode te je tom prilikom istaknula: **“Zagrebački velesajam predstavlja žilu kucavicu zagrebačkog, ali i hrvatskog gospodarstva i zahvaljujući sinergiji i inovativnom pristupu sljedećih šest dana je domaćin pet velikih i rado posjećenih sajmova. Ambienta slavi respektabilnu pedesetu obljetnicu prestižnog i značajnog međunarodnog sajma koji je kroz godine postojanja znatno utjecao na uspjeh domaće drvne industrije.”**



Kantonalna privredna komora Tuzla je i ove godine a temeljem izuzetno kvalitetne saradnje sa Zagrebačkim velesajmom, obezbijedila pogodnosti za svoje članice, za firme koje to žele postati. Za firme koje su se odlučile za samostalan nastup a prijavu izvršile posredstvom Komore, obezbijedeni su izuzetno povoljni uslovi i značajni popusti. Firme članice iz granskog komorskog Udruženja, mogle su se na zajedničkom izložbenom prostoru Komore, predstaviti potpuno besplatno. Šest sajamskih dana bili su prilika da se udare temelji saradnji i za narednu godinu, za 51. Ambientu i ostvare isti uslovi za naše firme. Zato pozivamo sve proizvođače namještaja u Tuzlanskom kantonu i Bosni i Hercegovini da se jave u komoru, učlane u Komoru i iskoriste pogodnosti koje za članice obezbjeđujemo na najznačajnijem sajamskom događaju u Hrvatskoj.

Pripremio: Dino Kalesić



Najava sajamskih manifestacija...

Sarajevo: 9. sajam privrede, 2-5.11.

9. Sajam bosansko - hercegovačke privrede, pod motom „Domaći proizvod u službi građana Bosne i Hercegovine“



KJP Centar „Skenderija“ d.o.o. – Sarajevski sajam vas poziva da u terminu od 2. do 5. novembra 2023. godine učestvujete na 9. Sajmu bosansko - hercegovačke privrede, pod motom „Domaći proizvod u službi građana Bosne i Hercegovine“. Organizacijom sajma i osmišljenim promotivnim aktivnostima nudimo priliku izlagačima, institucijama, organizacijama, komorama, strukovnim udruženjima, finansijskim institucijama i potencijalnim konzumentima proizvoda da predstave svoju ponudu. Posebna pažnja biće posvećena razvoju sektora malog i srednjeg poduzetništva kao generatoru regionalnog i lokalnog rasta i razvoja.

Stručno edukativni program održavaće se na centralnom prezentacionom prostoru, koji će kao i prethodnih godina biti u fokusu interesovanja izlagača, posjetilaca i medija.

Za više informacija, izvolite kontaktirati: Menadžer sajma Bojčić Amira, dipl.ecc. +387 33 219 624, www.skenderija.ba.

Beograd: 17. Etno sajam hrane i pića

Od 30.11 do 3.12.2023. godine



Regionalna smotra prehrambenih proizvoda namjenjenih tržištu, pripremljenih po tradicionalnim receptima, na tradicionalni način, Sajam etno hrane i pića, biće održan po 17. put u Beogradu. Najstarija je to i najkompletnija smotra proizvoda i proizvođača tradicionalnih prehrambenih proizvoda u Srbiji i regionu Jugoistočne Evrope. Riječ je o nacionalnim specijalitetima, proizvodima karakterističnim za uža geografska područja, najčešće ručne izrade i od organski gajenih sirovina. Manifestacija afirmiše tradicionalne proizvode kao prvorazredne tržišne i izvozne artikle, koji treba da postanu i nezaobilazni element turističke ponude. Radi se o proizvodima sa zaštićenim geografskim porijeklom ili onima čija se zaštita preporučuje. Cilj je utemeljenje robne marke etno proizvoda, odnosno brendiranje tradicionalnih proizvoda.

Sajam će biti održan od 30. novembra do 2. decembra 2023. godine podmotom “Utemeljenje robne marke etno proizvoda“. Organizator je Beogradski sajam. Pokrovitelji sajma su Ministarstvo poljoprivrede, šumarstva i vodoprivrede RS i Grad Beograd. Za sve dodatne informacije: tel: +381 11 2655-317, 2655-521, 2655-329, e-mail: etnohrana@sajam.rs. Više informacija i PRIJAVA NA www.etnohip.rs. Kontakt osobe Ljiljana Šoškić koordinator projekta i Aleksandra Milosavljević saradnik na projektu.

D.K.



Sajmovi i festivali u TK...

Prvi „Sajam privrede općine Banovići“

Sajam je organizovalo Lokalno partnerstvo za zapošljavanje (LPZ) u suradnji sa Općinom, a uz finansijsku podršku Europske unije



U okviru projekta koji finansira Europska unija, Lokalno partnerstvo za zapošljavanje (LPZ) Banovići su u partnerstvu sa općinom Banovići organizovali prvi Sajam privrede općine Banovići. Sajam je u sportskoj dvorani u Banovićima okupio više od 30 izlagača koji su putem izložbenih štandova prezentovali svoje proizvode i usluge. Građanima su se predstavili mali i veliki privrednici iz Banovića i okolnih gradova, te lokalne obrazovne ustanove. Prvi sajam privrede općine Banovići opravdao je očekivanja i organizatora i posetilaca, koji su imali priliku da se informišu o potrebama poslodavaca za radnom snagom. Sajam su otvorili Bego Gutić općinski načelnik i Edin Duraković ministar privrede Tuzlanskog kantona. Prema riječima načelnika Gutića, ovo je samo jedna u nizu aktivnosti kojima Općina pomaže privredu, a rezultati te podrške, u protekle tri godine, su brojne nove privredne djelatnosti u Banovićima i rast broja zaposlenih osoba. Na sajmu je predstavljena i izložba fotografija „Privreda u Banovićima“. Za najsretnije posjetioce obezbijeđene su vrijedne nagrade, a za mališane pokloni. Sajam je organizovalo Lokalno partnerstvo za zapošljavanje (LPZ) u suradnji sa Općinom, a uz finansijsku podršku Europske unije.

LPZ Banovići dio je projekta „Partnerstvom do posla“ kojeg čine: UG „Nešto više“ Sarajevo, općina Banovići, Udruženje privrednika općine Banovići, Biro, lokalne obrazovne ustanove i lokalne kompanije. Jedno je od 20 partnerstava uspostavljenih u BiH u okviru projekta „Podrška Europske unije lokalnim partnerstvima za zapošljavanje – faza II“ (LEP II). Finansira ga Europska unija sa 4 miliona eura, a provodi Međunarodna organizacija rada (ILO).

Domaća i egzotična jela na tanjiru u Živinicama

„Internacionalna kuhinja u Živinicama“



Jedinstvenom Festivalu hrane pod nazivom „Internacionalna kuhinja u Živinicama“ koji je održan u Živinicama, uz predstavnike diplomatskog kora u Bosni i Hercegovini, privrednog i kulturnog života Živnica i Tuzlanskog kantona, prisustvovala je i delegacija Vlade i Skupštine Tuzlanskog kantona predvođena premijerom Irfanom Halilagićem i predsjednikom Žarkom Vujovićem. Ova manifestacija, koju organizira Grad Živnice, pored promocije tradicionalnih bosanskih jela, svim gostima je ponudila i egzotična jela iz mnogih nacionalnih kuhinja širom svijeta.

S primarnim ciljem promocije turizma i turističkih potencijala Bosne i Hercegovine u Gradu Živnicama, Internacionalna kuhinje, uz građane i predstavnike bosanskohercegovačke dijaspore, svake godine okupi

i značajan broj uvažanih predstavnika diplomatskog kora u Bosni i Hercegovini. Ovogodišnji festival treći je pored u može se reći da već prerasta u tradicionalnu manifestaciju u Živinicama. Ove godine uz degustaciju hrane koja će biti pripremljena za sve posjetioce, građani su uživali i u izložbi umjetničkih slika sa Likovne kolonije, te u koncertu koji je posebno uljepšao događaj Internacionalne kuhinje u Živinicama.

D.K.



Iz firme članice: Lukavac cement...

Ponosni vlasnik međunarodnog certifikata ISO 37301:2021

Lukavac cement prva certificirana kompanija u BiH i na zapadnom balkanu prema ISO 37301:2021



Nakon uspješno održanog certifikacijskog audita Lukavac Cement je sredinom godine okončao postupak certifikacije za Sistem upravljanja usklađenošću i time postao ponosni vlasnik međunarodnog certifikata ISO 37301:2021 kao prva kompanija u BiH i na Zapadnom Balkanu. „Ovo je veliki uspjeh za sve nas. Još jednom smo dokazali da smo vodeća cementara u BiH i regionu i da je jedna od naših temeljnih vrijednosti biti uvijek korak ispred. ISO 37301:2021 je međunarodna norma koji pruža smjernice za implementaciju učinkovitog sistema upravljanja usklađenošću. Primjenom ovog standarda Lukavac Cement pokazuje svoju predanost usklađenosti sa relevantnim zakonima, kako domaćim tako i evropskim, zatim raznim regulatornim zahtjevima, industrijskim kodeksima, organizacijskim standardima i drugim primjenjivim propisima. Posebno želim istaći da je ISO organizacija ovu novu normu objavila u aprilu 2021. godine, a Institut za standardizaciju BiH u maju 2023. godine“, kazao je Nihad Begić, član Uprave Lukavac Cementa. Od momenta objave ISO organizacije o uvođenju ISO 37301:2021 Lukavac Cement je počeo raditi na pripremama za implementaciju sistema prema novoj normi, te je ovaj proces trajao nešto više od 2 godine. Sam postupak uvođenja se provodio u više složenih faza, dok je posljednja bila samo certifikiranje. Sistem upravljanja usklađenošću baziran je na principima etike i integriteta u poslovanju, dobrog upravljanja, proporcionalnosti, transparentnosti, odgovornosti i održivosti.

„Naši kodeksi ponašanja jasno definiraju standarde ponašanja koji se očekuju kako od naših uposlenika tako i od trećih lica koji rade sa, za ili u ime Lukavac Cementa. Ovim standardom podržavamo i deset načela UN-a te ciljeve održivog razvoja. I veoma je važna činjenica da je ovaj standard integriran u druge sisteme upravljanja u Lukavac Cementu, što je garancija da je usklađenost sastavni dio svakog relevantnog poslovnog procesa u našoj kompaniji“, dodao je Begić.

Lukavac Cement: Dan otvorenih vrata 2023.

Posebna pažnja je posvećena ekološkim i kreativnim programima



Sredinom septembra u zelenom parku Lukavac Cementa održano je 13. izdanje Dana otvorenih vrata, tradicionalne manifestacije koja okuplja brojne građanke i građane Lukavca, Tuzle ali i šire. Ove godine posebna pažnja je posvećena ekološkim i kreativnim programima za djecu i mlade. „Mnoge mališane je obradovala poučna i zanimljiva kreativna radionica „Uradi sam“ gdje su imali priliku da samostalno prave i boje predmete od cementa. Priredili smo i specijalnu eko radionicu „ReciGIRanje“ sa željom da kroz spoznaju i istraživanje, igru i zabavu potičemo njihovu ekološku osviještenost. Mogli su saznati koliko je važno očuvanje našeg okoliša te da otpad nije smeće

i da se može razdvajati, reciklirati i ponovno pametno iskoristiti“, istakao je Nihad Begić član Uprave Lukavac Cementa. Pored kutka za bebe, animatorskih i karnevalskih igara, maskota, mađioničara, organiziran je i umjetnički kutak rezervisan za balerine, a za ljubitelja plesa mini disko. S ciljem poticanja sportskog duha i zdravih životnih navika, u sklopu „Dana otvorenih vrata 2023“ odvijale su se sportske aktivnosti, turniri fudbala i odbojke. Uz roštiljadu, voćno osvježenje i prigodne poklone za svu djecu, ovogodišnja manifestacija Lukavac Cementa protekla je u ozračju dobre zabave, druženja i kreativnog učenja.

D.K.



Podrška razvoju Kantona...

Grin izvozi papirne ambalaže u EU

Vodeći proizvođač komercijalne papirne i kartonske ambalaže...



“Grin” d.o.o. Gračanica, sestrinska kompanija firme CPA. d.o.o Tojšići-Kalesija, vodeći je proizvođač komercijalne papirne i kartonske ambalaže, kaširane ambalaže, etiketa, knjiga i sl. u BiH. Njihova specijalnost su i doradni poslovi poput folija tisak, uv lak, te štampa na Brajevom pismu. “U Grinu vlada porodična atmosfera, a kolege bodre jedni druge kako bi izvukli najbolje iz tima. Ponosna sam što radim za kolektiv u kojem svaki dan napredujem zahvaljujući edukaciji koju nam je menagement obezbijedio. “BiH sa ponosom može reći da ima jaku grafičku industriju. Možemo biti ponosni na mlade kadrove i njihovo znanje koje imaju. Iz prehrambene industrije naš vodeći kupac je AS Holding. Iz farmaceutske Bosnalijek, Farmavita i Zada. Imamo kupce i iz automobilske industrije. Tu je Alma Ras, Madi, Semić i drugi. Naša branša traži veliko znanje da bi se mogli baviti ovim poslom”, kazala je za Akta.ba Alma Delimehić iz Grina.

“Golden tours”: Saradnja škola iz Gračanice i Alanje



Turistička agencija “Golden Tours” bila je domaćin gostima iz Gračanice i Turske. Riječ je o delegaciji profesora i učenika Mješovite srednje škole iz Gračanice na čelu sa Midhatom Beganovićem direktorom škole te predstavnicima srednje škole Alanya Mesleki ve Teknik Anadolu Lisesi u Alanji, Republika Turska. Susret je organizovan s ciljem razmjene iskustava u obrazovanju ove dvije srodne škole. Razgovaralo se i o organizaciji maturaške ekscurzije što predstavlja nastavak uspješne i kvalitetne saradnje a sve s ciljem što kvalitetnijeg obrazovanja učenika obje škole, saopćili su iz Turističke agencije “Golden Tours” Tuzla.

ZADA Pharmaceuticals Lukavac povećala prodaju 71%



ZADA Pharmaceuticals d.o.o., jedan od vodećih bosanskohercegovačkih proizvođača lijekova sa stopostotnim domaćim vlasništvom, ostvarila je u prvih šest mjeseci ove godine ukupno povećanje prodaje od 71% u odnosu na isti period lani. Izvoz u ovom periodu je rastao 95%, dok je plasman na tržištu RS-a bio veći za 111%, saopšteno je iz ZADA Pharmaceuticals. Sve što ZADA proizvede, radilo se o lijekovima ili dodacima prehrani, jednakog je kvaliteta, i kao takvi se plasiraju na domaće, EU, Azijsko ili Afričko tržište. Osim korporativne etike, ovo garantira i EU GMP standard kontrole kvaliteta, kao najviši u industriji lijekova. ZADA Pharmaceuticals d.o.o. je jedan od vodećih bh proizvođača lijekova sa stopostotnim domaćim vlasništvom i godišnjim kapacitetom proizvodnje 3 milijarde tableta i 300 miliona kapsula za oko 150 generičkih lijekova. Sve što ZADA proizvodi plod je vlastitog znanja i rada u okviru projekata koje

provodi odjel Istraživanja i razvoja. Investiranje u istraživanje i razvoj pozicioniralo je kompaniju ZADA kao farmaceutsku industriju prepoznatljivu po vlastitim formulacijama i tehnološkim pristupima za proizvodnju generičkih lijekova sa dodanim vrijednostima. ZADA Pharmaceuticals je u posjedu najvišeg standarda za proizvodnju lijekova – EU GMP standarda, a koji omogućava izvoz u zemlje EU i svijeta. Radi se o visokozahjevnom standardu u farmaceutskoj industriji kojim se mogu pohvaliti samo rijetki proizvođači. Kompanija trenutno zapošljava 150 farmaceuta, tehnologa, doktora, inženjera, i ostalog osoblja, sa prosječnom starosnom dobi 35 godina. Pored važećih EU smjernica Dobre Proizvođačke Prakse (EU GMP) i standarda EN ISO 9001, kvalitet je osiguran i internim standardima u skladu sa Poslovnikom kvaliteta ZADA Pharmaceuticals.

D.K.



Podrška razvoju Kantona...

4,7 miliona KM za podršku privrednicima i obrtnicima

Vlada utvrdila uslove, kriterije i postupak za raspodjelu sredstava



Vlada TK je na 25. redovnoj sjednici utvrdila uslove, kriterije i postupak za raspodjelu ukupno 4.688.000 KM, koliko je planirano Budžetom Tuzlanskog kantona za 2023. godinu, za realizaciju programa Podrška razvoju Kantona. Najveći dio ovih sredstava odnosi se na kapitalne transfere privatnim preduzećima i poduzetnicima, za što je planirano 3.607.000 KM. Od ovog iznosa za kapitalne transfere mikro, malim i srednjim privrednim subjektima (MMSP) za nabavku opreme i alata planirano je do 2,3 miliona KM, za kapitalne transfere obrtima za nabavku opreme i alata do 907.000 KM, a za kapitalne transfere mikro, malim i srednjim privrednim subjektima (MMSP) drvoprerađivačke djelatnosti za nabavku opreme i alata do 400.000 KM. Ovim programom predviđeno je i do 550.000 KM za subvencioniranje dijela kamatne stope privrednim

subjektima sa područja Tuzlanskog kantona, podrška Programa IMPAKT - Akcelerator na području Tuzlanskog kantona do 400.000,00 KM, Programu IMPAKT - Inkubator poslovnih ideja na području Tuzlanskog kantona, za što su predviđene 73.000 KM i 50.000 KM subvencija za podršku obrtničkim komorama i udruženjima obrtnika.

Iz firme članice Komore...

Lukavac cement: Panel diskusija o alternativnim gorivima

Lukavac cement održao panel diskusiju o upotrebi alternativnih goriva i mogućnostima njihove proizvodnje u BiH



Kompanija Lukavac Cement kao partner Sarajevske energetske i klimatske sedmice (SECW) 2023, priredila je panel diskusiju „Upotreba alternativnih goriva i mogućnosti njihove proizvodnje u BiH“ u okviru međunarodne konferencije „Energetska tranzicija - Put u novu energetske i klimatske budućnost regije“. Za ovu priliku Lukavac Cement je okupio ugledne stručnjake iz Bosne i Hercegovine i Slovenije koji su razmotrili mogućnosti proizvodnje alternativnih goriva u BiH, kao i brojne prednosti njihove upotrebe u cementarama i industrijskim postrojenjima. Učesnici ove zanimljive i poticajne diskusije podijelili su svoja stručna znanja, iskustva i moguća rješenja, a posebnu pažnju su posvetili problemu zbrinjavanju otpada u BiH, kružnoj ekonomiji, ističući pozitivan primjer lukavačke cementare koja više od 10 godina uspješno koristi energiju nastalu iz otpada. Nakon uvodne prezentacije „Pioniri u upotrebi alternativnih goriva“ koju je održao Nedin Pašić, tehnički direktor Lukavac Cementa, razvila se diskusija čiji cilj je bio da inicira promjene i da se pokušaju naći odgovarajuća rješenja za problem neadekvatnog zbrinjavanja otpada i njegovog ponovnog iskorištavanja u BiH.

Stjepan Kumrić, generalni direktor Lukavac Cementa, potvrdio je da su vrata Lukavac Cementa uvijek otvorena za sve zainteresirane da se upoznaju sa načinom proizvodnje i upotrebom alternativnih goriva u tom procesu, jer Lukavac Cement predstavlja upravo dio rješenja za zbrinjavanje prerađenog otpada, a ne problema. Svi učesnici su se složili da je to pravac u kojem se mora ići zajedničkim snagama, a posebno zbog činjenice da se takav proizvod u velikom kapacitetu može koristiti u Lukavac Cementu i svim drugim industrijskim postrojenjima u BiH koja su na putu zelene energije.

D.K.



Javni poziv za usavršavanje...

Usavršavanje za NO i UO, prijave za novu grupu

Javni poziv za dostavljanje prijava



Kantonalna privredna komora Tuzla u saradnji sa Privrednom/Gospodarskom komorom FBiH, a na osnovu Uredbi Vlade FBiH o usavršavanju predsjednika i članova nadzornih odbora i uprava privrednih društava sa učešćem državnog kapitala ("Službene novine F BiH", br. 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22) te Programa usavršavanja ("Službene novine F BiH", br. 40/10) objavljuje

Poziv za dostavljanje prijava za usavršavanje kandidata za članove nadzornih odbora i članove uprava privrednih društava sa učešćem državnog kapitala

Usavršavanje će se organizovati u Tuzli, u novembru 2023. godine (ili po prikupljanju dovoljnog broja kandidata).

Zainteresovani kandidati prijavu mogu izvršiti dostavom prijavnog upitnika (na web stranici Komore: www.kpktz.ba).

Potrebna dokumentacija:

1. Prijavni obrazac
2. Ovjerena kopija diplome
3. Uvjerenje o radnom stažu

Cijena usavršavanja je 880,00 KM, plaćanje se vrši prema upustu Privredne/Gospodarske komore FBiH nakon formiranja grupe i određivanja datuma početka usavršavanja.

Prijave se dostavljaju lično ili putem pošte na adresu:

Kantonalna privredna komora Tuzla
Trg slobode bb
75 000 Tuzla
n/r Edina Kurtić

ili

Privredna/Gospodarska komora FBiH
Branislava Đurđeva 10
71 000 Sarajevo
n/r Aida Handžić

Kontakt osoba za dodatne informacije : mr.sc. Edina Kurtić dipl.ecc. tel 035/369-551 ili e-mail: edina@kpktz.ba

Upitnik na:

<https://kpktz.ba/index.php/usavsavanje>



Obavještenje kandidatima...

Seminar za pripremanje pravosudnog ispita

Seminar će trajati sedam vikenda - Prijave ostaju otvorene do popune mjesta - Datum početka seminara će se odrediti nakon formiranja grupe



Kantonalna privredna komora Tuzla obavještava sve zainteresovane kandidate da počinje formiranje grupe za organizaciju

Seminara za pripremanje polaganja pravosudnog ispita.

Program seminara provodit će se na osnovu i u okviru Programa polaganja pravosudnog ispita od 11.10.2018. godine i Pravilnika o polaganju pravosudnog ispita od 11.12.2019. godine, izmjene i dopune od 18.3.2020. godine Federalnog ministarstva pravde.

Predavači na seminaru su članovi/ispitivači Komisije za polaganje pravosudnog ispita na nivou Federacije Bosne i Hercegovine.

Seminar će trajati 15 dana (7 vikenda) i obavljat će se u velikoj sali Kantonalne privredne komore Tuzla.

U toku seminara obradit će se materija iz krivičnog prava, građanskog prava sa porodičnim pravom, privrednog prava, upravnog i radnog prava, ustavnog sistema i organizacije pravosuđa. U okviru seminara realizirat će se i praktične vježbe (pismeni radovi) za polaganje pismenog dijela ispita iz krivičnog i građanskog, odnosno porodičnog prava. Nakon završetka obuke, polaznici će dobiti potvrdu o pohađanju seminara za pripremanje polaganja pravosudnog ispita.

Broj mjesta je ograničen na 30 kandidata. Prijave ostaju otvorene do popune mjesta.

Datum početka seminara će se odrediti nakon formiranja grupe (minimalni broj učesnika je 20).

Iznos kotizacije je 995,00 KM po polazniku. U cijenu je uračunat i PDV. Navedeni iznos se može platiti u tri rate.

Molimo, ukoliko ste zainteresovani za učešće na navedenom seminaru da popunjenu prijavu, u prilogu, pošaljete na e-mail edina@kpktz.ba ili fax broj 035 369 552.

Kontakt osoba Edina Kurtić, telefon broj 035 369 551.

PRIJAVA na: <https://www.kpktz.ba/index.php/vijesti/1600-seminar-za-pripremanje-pravosudnog-ispita>


Iznajmljivanje kancelarijskog prostora u Komori

Kantonalna privredna komora Tuzla objavljuje izdavanje kancelarijskog prostora. Riječ je o dvije kancelarije površine po 14 metara kvadratnih, na drugom spratu zgrade Komore, Trg slobode bb. Više informacija u Komori ili na telefon sa broja: 035/369-550 ili putem maila almir@kpktz.ba, kontakt osoba Almir Mešić.



PRIVREDNA KRETANJA U TUZLANSKOM KANTONU ZA I-VI 2023. GODINE


Prema podacima za period januar - juni 2023. godine, došlo je do pada obima industrijske proizvodnje u Tuzlanskom kantonu za 3,3% u odnosu na prvo polugodište 2022. godine. Rast industrijske proizvodnje je ostvaren u kategorijama intermedijarnih proizvoda 1,9%, kapitalnih proizvoda 9,9% i trajnih proizvoda za široku potrošnju 49,3% dok je došlo do pada proizvodnje energije 14,3% i netrajnih proizvoda za široku potrošnju 7,5%.



Industrijska proizvodnja I-VI 2023/ I-VI 2022 (%)

Ukupni izvoz iz Tuzlanskog kantona u prvih šest mjeseci iznosio je 1.342,1 milion KM što je za 0,3% više u odnosu na nominalnu vrijednost izvoza u istom periodu 2022. godine. U istom periodu ostvaren je uvoz u vrijednosti od 1.443,7 miliona KM, što je pad nominalne vrijednosti uvoza od 5,3% u odnosu na isti period prošle godine. Ostvaren je vanjskotrgovinski deficit od 101,6 miliona KM, a pokrivenost uvoza izvozom je 93%. Najveći izvoz je u hemijskoj i metaloprerađivačkoj industriji, a najvažniji vanjskotrgovinski partneri su Austrija i Njemačka.

I-VI 2023	Izvoz (000) KM	Uvoz (000) KM
Hrana i piće	31.491	118.949
Industrijski materijali	587.750	579.163
Goriva i maziva	154.667	237.558
Kapitalni proizvodi	230.303	250.611
Transportna sredstva i dijelovi	92.681	82.734
Proizvodi za široku potrošnju	245.225	174.621



Izvoz i uvoz prema BEC I-VI 2023.

Prema podacima koje objavljuje Porezna uprava Federacije BiH, u periodu januar-juni 2023. godine, u Tuzlanskom kantonu je naplaćeno javnih prihoda u iznosu od 625.308.201 KM što je 16,43% više u odnosu na isti period 2022. godine. Sa ovim iznosom naplate, Tuzlanski kanton je drugi u učešću u ukupnoj naplati javnih prihoda u Federaciji BiH, odmah nakon Kantona Sarajevo, sa učešćem od 17,1%.

Prema podacima Porezne uprave Federacije BiH u Tuzlanskom kantonu je 30.6.2023. godine, po prebivalištu zaposlenika, bilo 104.000 zaposlenih.

Juni 2023	Zaposlenost	Nezaposlenost
UKUPNO	104.003	65.716
Banovići	6.282	3.634
Čelić	1.324	2.067
Doboj-Istok	2.585	1.678
Gračanica	10.932	6.548
Gradačac	9.457	5.760
Kalesija	5.853	5.606
Kladanj	2.070	1.836
Lukavac	11.009	6.672
Sapna	823	1.826
Srebrenik	8.258	6.321
Teočak	687	1.158
Tuzla	31.757	13.381
Živinice	12.966	9.229

Prema podacima Federalnog zavoda za zapošljavanje, u junu 2023. godine, na evidenciji je bilo prijavljeno 65.716 nezaposlenih osoba, od čega 42.637 (64,88%) stručnih i 23.097 (35,12%) nestručnih. U ukupnom broju nezaposlenih je 42.047 žena (64%), od čega je 14.937 nestručnih. Prema starosnoj strukturi, 38.166 (58%) nezaposlenih je starije od 40 godina. 23.082 nezaposlene žene (55%) su starije od 40 godina. Najviše nezaposlenih na evidencijama Službe za zapošljavanje je prodavača, ekonomskih tehničara i diplomiranih ekonomista.

Prosječna neto plata u Tuzlanskom kantonu u junu 2023. je iznosila 1.163 KM što je ispod prosjeka Federacije BiH. U odnosu na kantonalni prosjek iz 2022. godine, neto plaća je veća za 13,8%. Najviše prosječne neto plate su u sektoru proizvodnje i opskrbe el.energijom (1.905 KM), dok su najniže prosječne neto plate u ugostiteljstvu i hotelijerstvu (847 KM).

Djelatnost	Tuzlanski kanton	
	Neto plaća (VI 23)	VI 23/ 2022 %
A Poljoprivreda, šumarstvo i ribolov	991 KM	9,9
B Vađenje ruda i kamena	1.442 KM	16,4
C Prerađivačka industrija	957 KM	13,5
D Proizvodnja i snabdijevanje el.en., plinom	1.905 KM	5,4
E Snabdijevanje vodom i uklanjanje otpadnih voda	1.143 KM	14,9
F Građevinarstvo	893 KM	17,3
G Trgovina na veliko i malo	902 KM	15,1
H Prevoz, skladištenje i komunikacije	878 KM	12,9
I Hotelijerstvo i ugostiteljstvo	847 KM	24,0
J Informacije i komunikacije	1.871 KM	12,0
K Finansijske djelatnosti	1.610 KM	13,0
L Poslovanje nekretninama	1.009 KM	9,8
M Stručne, naučne i tehničke djelatnosti	1.297 KM	14,5
N Administrativne i pomoćne uslužne djelatnosti	1.003 KM	14,5
O Javna uprava i odbrana	1.630 KM	11,8
P Obrazovanje	1.078 KM	12,8
Q Zdravstvena socijalna zaštita	1.763 KM	15,1
R Umjetnost, zabava i rekreacija	1.087 KM	18,5
S Ostale uslužne djelatnosti	1.226 KM	13,7

STRUČNA SLUŽBA KOMORE



Led display na zgradi Komore...

NOVA USLUGA ČLANICAMA I FIRMAMA U TK



Poštovani, Led digitalno oglašavanje, u poređenju s tradicionalnim medijima oglašavanja, poput billboarda, čijeg se sadržaja jedva sjeti manji od 40 posto gledatelja, u zadnje vrijeme ima velike prednosti. Osim mogućnosti višestrukog reklamiranja jednog oglašivača na istom mediju, dokazano je da su pokretne reklamne poruke daleko više privlačnije nego statične reklame. Obavještavamo vas da je Kantonalna privredna komora Tuzla u prilici ponuditi vam oglašavanje na našem led displayu po povoljnim uslovima.

POSTANITE PARTNER KANTONALNE PRIVREDNE KOMORE TUZLA!!!
OGLASITE SE NA NAŠEM LED DISPLAY PROSTORU!!!
ISKORISTITI IZUZETNO POVOLJNE GODIŠNJE I ŠESTOMJESEČNE PONUDE!!!
POSEBNE POGODNOSTI ZA FIRME ČLANICE KOMORE!!!

Kantonalna privredna komora Tuzla

Kontakt osoba: Dino Kalesić

mob: 061/164-311

tel: 035/369-562

mail: dino@kpktz.ba

POSJETITE NAS! DOĐITE DA SE DOGOVORIMO!!!


Iznajmljivanje kancelarijskog prostora u Komori

Kantonalna privredna komora Tuzla objavljuje izdavanje kancelarijskog prostora. Riječ je o tri kancelarije površine po 14 metara kvadratnih, na drugom spratu zgrade Komore, Trg slobode bb. Više informacija u Komori ili na telefon sa broja: 035/369-550 ili putem maila almir@kpktz.ba, kontakt osoba Almir Mešić.





THE CHAMBER OF ECONOMY OF TUZLA CANTON



TUZLA CANTON

Your Business Partner

